



# **JABATAN PERKHIDMATAN VETERINAR**

**LAPORAN PEMANTAUAN MEDIA**

**4 SEPTEMBER 2024 (RABU)**

## Ladang Ternakan Ayam di Bukit Pelanduk Dikesan Jejas Kualiti Air Persekitaran

| MEDIA   | RUANGAN | MUKA SURAT | TARIKH |
|---------|---------|------------|--------|
| BERNAMA | Am      | Online     | 3 Sept |



Sebuah ladang ternakan ayam berkeluasan sekitar 2.02 hektar di Bukit Pelanduk Port Dickson yang telah beroperasi hampir 20 tahun disyaki menyebabkan pencemaran serta menjejaskan kualiti air di kawasan persekitaran dan air laut.

PORT DICKSON, 3 Sept (Bernama) -- Sebuah ladang ternakan ayam berkeluasan sekitar 2.02 hektar di Bukit Pelanduk dekat sini yang telah beroperasi hampir 20 tahun disyaki menyebabkan pencemaran serta menjejaskan kualiti air di kawasan persekitaran dan air laut.

Pengerusi Jawatankuasa Bertindak Keusahawanan, Sumber Manusia, Perubahan Iklim, Koperasi dan Kepenggunaan S. Veerapan berkata susulan aduan penduduk sekitar, Badan Kawal Selia Air negeri telah mengambil sampel air parit di

ladang berkendian bagi siasatan lanjut.

Tinjauan mendapati ladang ternakan ayam itu dijalankan di tempat terbuka dengan persekitaran tidak terurus selain air longkang dan parit berwarna hitam serta dipenuhi lalat dan ulat sampah.

"Jabatan Alam Sekitar (JAS) negeri ke lokasi ini mendapati berlaku pencemaran air di ladang itu disyaki daripada najis haiwan. Hasil siasatan dijalankan, terdapat ladang ayam penternakan ayam



Pengerusi Jawatankuasa Bertindak Keusahawanan, Sumber Manusia, Perubahan Iklim, Koperasi dan Kepenggunaan Negeri Sembilan S. Veerapan

daging beroperasi dengan kapasiti ayam ayam daging beroperasi dengan kapasiti ayam sebanyak 30,000 ekor telah beroperasi 20 tahun di sini," katanya kepada pemberita di sini.

Beliau berkata ladang itu terletak di kebun kelapa sawit dan terdapat dua kolam takungan air digunakan untuk mencuci lantai di reban ternakan terbabit.

Pekerja ladang menggunakan air kolam ini untuk cucian lantai reban ayam yang dilakukan kira-kira dua bulan sekali selain tiada kemudahan rawatan air di ladang berkendal, tambah beliau.

"Setelah membersihkan tinja ayam, lantai dicuci dan air cucian akan melalui longkang lalu mengalir ke dalam parit sebelum ke alur air berdekatan," katanya.

Beliau seterusnya menyatakan bahawa pihaknya telah mengarahkan ladang itu ditutup sementara dengan Jabatan Veterinar negeri turut mengeluarkan notis kepada pemilik ladang supaya melakukan kerja pembersihan dan kompaun telah dikenakan.-BERNAMA



## Pencemaran Sungai, Ladang Ayam Di Bukit Pelandok Diarah Tutup Sementara

| MEDIA       | RUANGAN  | MUKA SURAT | TARIKH |
|-------------|----------|------------|--------|
| Buletin TV3 | Nasional | Online     | 3 Sept |



Pengerusi Jawatankuasa Bertindak Keusahawanan, Sumber Manusia, Perubahan Iklim, Koperasi dan Kepenggunaan Negeri Sembilan, S Veerapan melihat keadaan air yang tercemar dari ladang ayam di Bukit Pelandok, Chuah, Port Dickson. (Foto Mohd Khidir Zakaria)

PORT DICKSON: Ladang ternakan ayam di Bukit Pelandok, Chuah diarahkan tutup sementara menunggu siasatan berikutan berlaku pencemaran air sungai yang disyaki daripada najis haiwan itu.

Pengerusi Jawatankuasa Bertindak Keusahawanan, Sumber Manusia, Perubahan Iklim, Koperasi dan Kepenggunaan Negeri Sembilan, S Veerapan berkata, pihaknya sedang menyiasat selepas menerima aduan orang ramai khususnya penduduk di Bukit Pelandok, Chuah tentang pencemaran air sungai.

“Susulan aduan itu, Jabatan Alam Sekitar (JAS) dan Badan Kawal Selia Air (BKSA) sudah ke lokasi ini dan siasatan ke atas aduan tersebut sedang dijalankan di mana pencemaran air sungai ini disyaki daripada najis ternakan ayam.

“Hasil daripada siasatan yang dijalankan juga mendapati terdapat ladang ayam penternakan ayam daging yang dipercayai sudah beroperasi dengan kapasiti ayam sebanyak 30,000 ekor,”katanya ketika ditemui di sini tadi.



Katanya, ladang ayam ini juga dipercayai sudah beroperasi di sini sejak 20 tahun lalu dan berharap pihak berkaitan agar segera membuat siasatan lanjut.

“Saya juga difahamkan pihak BKSA sudah membuat laporan polis berkaitan isu pencemaran air sungai yang boleh menjejaskan kesihatan penduduk sekitar.

“Apa yang saya perhatikan air yang dari reban ayam itu berwarna hitam didapati terus ke longkang di kawasan reban dan terus disalurkan ke parit di dalam kawasan kebun kelapa sawit itu,” ujarnya.

Veerapan berkata, air yang tercemar itu terus mengalir di dua kolam takungan yang digunakan untuk aktiviti mencuci reban.

“Pekerja ladang menggunakan air kolam ini untuk cucian lantai reban ayam yang dibuat 70 hari sekali cucian dan air cucian akan disalurkan ke longkang yang mengalir ke dalam parit.

“Namun saya difahamkan pihak Veterinar sedang menyiasat perkara ini kerana JAS memang tidak ada bidang kuasa ke atas isu ini,” katanya.

Tambahnya, dia dimaklumkan pihak BKSA sudah mengambil sampel air dari tempat ini dan sedang buat pensempalan.

“Sekiranya ada kesalahan dilakukan, tindakan susulan akan dibuat dan saya dimaklumkan juga laporan polis sudahpun dibuat oleh BKSA dan JAS berkaitan isu ini.

“Hasil lawatan saya di sekeliling reban ayam ini air yang dilepaskan terus ke longkang juga tercemar yang menyebabkan sungai juga turut tercemar dan pastinya ia merosakkan hidupan di dalam sungai itu,” katanya.

Ujarnya, Jabatan Veterinar akan ambil tindakan yang sewajarnya ke atas isu ini.

“Bagi pihak kerajaan negeri, saya akan mengarahkan agar ladang ini akan ditutup sementara bagi siasatan penuh dijalankan pihak berkaitan.

“Jabatan Veterinar sudahpun mengeluarkan notis supaya membuat pembersihan dan juga kompaun kepada pemilik ladang di Bukit Pelandok, Chuah,” katanya.-

[BULETINTV3](#)



## 'Air Longkang Hitam, Ulat Sampah Dalam Parit': Ladang Ayam Punca Pencemaran Diarah Tutup

| MEDIA     | RUANGAN | MUKA SURAT | TARIKH |
|-----------|---------|------------|--------|
| BH Online | Kes     | Online     | 3 Sept |



Veerapan meninjau keadaan air tercemar dari ladang ayam di Bukit Pelandok, Chuah di Port Dickson. - NSTP/ MOHD KHIDIR ZAKARIA

PORT DICKSON: Keadaan air longkang hitam dengan lalat berterbangan, selain ulat sampah turut ditemukan dalam parit.

Itu antara keadaan dikesan di sebuah ladang ternakan ayam berkeluasan 2.02 hektar di Bukit Pelandok di sini yang disyaki menjadi punca pencemaran laut berhampiran.

Pengerusi Jawatankuasa Keusahawanan, Sumber Manusia, Perubahan Iklim, Koperasi dan Kepenggunaan negeri, S Veerapan berkata satu pemeriksaan dan siasatan

dijalankan di lokasi pagi tadi, susulan aduan awam berhubung pencemaran itu.

"Hasil siasatan menemukan ladang penternakan ayam daging yang sudah beroperasi sejak kira-kira 20 tahun lalu, dengan kapasiti 30,000 ekor.

"Pemeriksaan mendapati air longkang di kawasan reban disalurkan ke parit dalam kawasan kebun sawit, selain terdapat dua kolam takungan yang digunakan untuk aktiviti ternakan itu.

"Laporan polis dibuat Badan Kawal Selia Air (BKSA) dan Jabatan Alam Sekitar berkaitan isu ini. Kita juga sudah mengambil sampel air parit untuk tindakan lanjut," katanya ketika ditemui di lokasi pemeriksaan petang tadi.

Tambah beliau lagi, pihak ladang menggunakan air kolam untuk cucian lantai reban ayam yang dilakukan 70 hari sekali bagi, selain tiada loji rawatan air tersedia di ladang itu.

"Setelah membersihkan najis ayam, lantai dicuci dan air cucian melalui longkang. Air berkenaan kemudiannya mengalir ke parit sebelum ke alur air berdekatan.

"Kita sudah arahkan ladang ditutup sementara dan Jabatan Veterinar Negeri Sembilan mengeluarkan notis supaya membuat pembersihan serta kompaun kepada pemilik ladang di kawasan Chuah," katanya.-

[BHONLINE](#)



## Disyaki Punca Pencemaran, Ladang Ayam Diarah Tutup

| <b>MEDIA</b> | <b>RUANGAN</b> | <b>MUKA SURAT</b> | <b>TARIKH</b> |
|--------------|----------------|-------------------|---------------|
| My Metro     | Mutakhir       | Online            | 3 Sept        |



VEERAPAN melihat keadaan air yang tercemar. FOTO Mohd Khidir Zakaria

Port Dickson: Air longkang berwarna hitam, parit dipenuhi sampah yang berulat dan dipenuhi lalat. Itu keadaan sebuah ladang ternakan ayam berkeluasan 2.02 hektar di Bukit Pelandok di sini, yang disyaki menjadi punca pencemaran di laut berhampiran.

Exco Keusahawanan, Sumber Manusia, Perubahan Iklim, Koperasi dan Kepenggunaan Negeri Sembilan S Veerapan berkata, berikutan itu satu pemeriksaan dan siasatan dijalankan pagi Selasa lalu selepas menerima aduan orang awam susulan pencemaran itu.

"Laporan polis sudah dibuat oleh Badan Kawal Selia Air (BKSA) dan juga Jabatan Alam Sekitar berkaitan isu ini.

"Kita juga sudah mengambil sampel air parit bagi tindakan selanjutnya," katanya kepada pemberita ketika ditemui di lokasi pemeriksaan, di sini pada petang tadi.

Menyentuh lanjut mengenai ladang ternakan ayam itu, Veerapan berkata, ia beroperasi dengan kapasiti 30,000 ayam sejak lebih kurang 20 tahun.

"Pihak ladang menggunakan air kolam untuk cucian lantai reban ayam yang dilakukan 70 hari sekali bagi kerja pembersihan, selain tiada water treatment plant di ladang itu.

"Selepas membersihkan tinja ayam, lantai dicuci dan air cucian akan melalui longkang. Air berkenaan kemudiannya mengalir ke dalam parit sebelum ke alur air berdekatan (sehingga menyebabkan pencemaran)," katanya.

Beliau berkata, pihaknya sudah mengarahkan ladang itu ditutup sementara dan Jabatan Veterinar Negeri Sembilan mengeluarkan notis supaya membuat pembersihan serta kompaun kepada pemilik ladang di kawasan Chuah.

Katanya, siasatan lanjut masih dijalankan oleh agensi bertanggungjawab sebelum tindakan seterusnya diambil.

-MYMETRO

**TERIMA KASIH**

DISEDIAKAN OLEH:

UNIT KOMUNIKASI KORPORAT  
JABATAN PERKHIDMATAN VETERINAR